

երդուել եմ սատկեցնել Քեռի Պետրոսին... Նա իմ հօր (որտրդ Աւօր. Վ. Մ.) քշնամին է:

— Եթէ օճը մի հատ լինէր, կը շարունակէ Ապանը, պէտք էր նրա գուլթը ջարդել... բայց դժբախտաբար նրանց թիւը շատ է: Ես եղել եմ Ասիական Տանկաստանում, Կոստանդնուպոլսում, Եգիպտոսում... ամէն տեղ, ուր կան հայեր... Ես տեսել եմ, որ սկսած ամենատարբուրտ իշխանի տունից, սկսած նահանգական կուսակալ փաշաների դռնից մինչեւ վէզիրների դռները, մինչեւ Սուլթանի բարձրագոյն դուռը, բոլորը բռնուած են Քեռի Պետրոսներով: Եւ որքան մեծ անձի մօտ է նրանց ծառայութիւնը, այնքան մեծ է եւ նրանց վնասակարութիւնը...

«Յայնը անհատատարիմ է», ասում է թուրքը, եւ նրա վրայ վստահութիւն չունի, նրան գործ չէ յանձնում: Դա իրաւ է... Յայնը... չէր կարող հայի պէս իրան այնքան ստորացրնել... հաշտուել իր ատելի քշնամու հետ, իր երկիրը տիրողի եւ իր ազգակիցներին ստրկացրնողի հետ: Այս պատճառով յոյն դրամատէրները չուզեցին ամիրաներ, ստաֆներ եւ տէրութեան կապալառուներ դառնալ. նրանք ձեռք առին ազատ վաճառականութիւնը...

Թողնենք մանր Քեռի Պետրոսներին, անցնինք դէպի խոշորները: Սուլթանի դռան համարեա ամբողջ տնտեսական եւ գանձային կառավարութիւնը հայ *ստաֆներ* ձեռքումն է: Նրանք կրում են ատելի բարձր տիտղոսներ, — կոչում են *ամիրաներ*... Կառավարութիւնը տալիս է գաւառների հարկահանութիւնը... փաշաներին կապալով: Բայց նա փաշայի վրայ վստահութիւն չունի, թէ նա իր ժամանակին կը ներկայացնէ նշանակած տուրքը: Փաշան պէտք է մի երաշխատոր տայ: Ամիրա սեղանաւորը միշտ պատրաստ է այս երաշխատութիւնը իր վրայ ընդունելու, որովհետեւ... փաշայի կապալառութեան վաստակի մասն էլ ինքը պիտի վայելէ: Բայց ո՞րտեղից է գոյանում վաստակը: — Բիրաւոր քշուառ հարբստահարուածների ֆրտիկից...

... Բայց նոյն ամիրաներն են մեր *ազգապետները*. նրանք են դարձնում մեր ազգի կառավարութեան սանձը դէպի ամէն կողմ, որ...

իրանց համար հանելի է... Նրանց համար միշտ ձեռնտու է մի անկարգ եւ բռնակալ կառավարութիւն, որի պղտորութեան մէջ կարողանում են որսալ իրանց շահերը...

Եւ այսպէս, մեր դրամատէրները ... փոխանակ օգնելու, որ մշակը եւ գիւղացին հաց ու հանգստութիւն ունենան... ատելի իրանք են ամբոցնում նրանց ստրկութեան շղթաները»... («Կայծեր», հատ. Ա. էջ 443-449):

*Ապա կը նկարագրէ զաւառացի հայ աշխատաւոր ընդհանրութեան վիճակը Վասպուրականում՝ մանր վաճառականներու, վաշխատուներու ճանկերուն մէջ: Ասոնք ալ «մանր հարստահարողներն» են, «փոքրիկ աւաղակները»...*

«Մեր գիւղացիները միշտ փողի կարօտութիւն ունին հարկեր վճարելու... Եւ այլ կեանական պահանջների համար: Փողը նրանք ըստանում են վաճառականից, ի հարկէ, ծանր տոկուսներ վճարելով... Գալիս է պարտքը վճարելու ժամանակը. գիւղացին փող չունի որ տայ, վաճառականը յափշտակում է նրա բոլոր երկրագործական արդիւնքը կէս գնով: Այսպիսի աւագակները կը ցանկանա՞ն, որ գիւղացու վիճակը բարւո՞րի, կը ցանկանա՞ն, որ նա փողի կարօտութիւնն չունենայ: Աւելացրենք դրա վրայ ֆրդի, թուրքի, տէրութեան հարկահանների հարստահարութիւնները. — խեղճ գիւղացին ինչո՞վ կարող է այս բոլորին բաւականութիւն տալ... Նա մնում է միշտ ազգատ... Եւ այդ պատճառով ստիպուած է թողնել հայրենի հողը եւ օտար երկրներում բախտ որոնել... Միայն Կոստանդնուպոլսում այժմ 40 հազար հայ պանդուխտներ կան եւ նրանց մեծ մասը վանեցիներ են... Տանկաստանի բոլոր ֆաղաֆները լցուած են հայ մշակներով կամ համալներով. — բայց դրանք մեր երկրի գրոխատոր ուժերն են, որ մաշում են, ոչնչանում են պանդխտութեան մէջ»...

VII

*Իբրեւ լուրջ ու պարկեշտ զրոյ, որ խորապէս զխտակից է իր մեծ եւ զժուարին կոչումին, իբրեւ մէկը այն մտաւորական առաջնորդներէն, որոնց վիճակուած էր դարբնելու սարուկ ու հալածական ցեղի մը — հարագատ ցեղի — ճակատագիրը, Բաֆֆին երկար տա-*